



## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XV. Quod si aliquis aliquam sibi copulauerit, & postea compererit ei coniunctam prima vel secunda linea, vtraque debet perpetuo carere. Si autem in tertio vel supra se gradu contigerint, a secu[n]da ...

**urn:nbn:de:hbz:466:1-15588**

ANNO hibeat, dantes ei licentiam, aliam, si voluerit, ducendi  
CHRISTI 1179. vxorem.

\*Tricensi C A P. XIV. *Idem \* Cretensi episcopo.*

Significasti nobis, quod quidam miles in prouincia tua  
vxorem suam sine iudicio ecclesiæ & auctoritate dimiserit,  
pro eo quod suggestum ei fuerat, ipsam incestum cum  
quodam consanguineo suo commisisse, & propter hoc  
vinculo fuit excommunicationis adscriptus. Verum mulier  
ipsa non continuuit, sed sobolem ab alio viro suscepit: nec  
minus postulat viro suo restitui, afferens se ab ipso iniuste  
fuisse dimissam, & eumdem virum materiam adulterandi  
sibi dedisse. Vnde quia nos consuluisti, vtrum mulier ista  
debeat viro suo restitui, & vir ad eius receptionem compelli:  
fraternitati tuæ præsentibus literis respondemus,  
quod si manifestum est, mulierem ipsam adulterium com-  
misisse post dimissionem, sed non \* idem si ante, ad eam  
recipiendam præfatus vir cogi non debet, nisi constaret  
ipsum cum alia adulterium commisisse.

27. Quæst. 2.  
Si tu abstin.

C A P. XV. *Idem Vigorniensi episcopo.*

Adaures nostras perlatum fuisse cognoscas, quod cum  
quidam parochianus tuus vxorem duxisset, ea dimissa,  
aliam, scilicet ei consanguineam, sibi copulare præsum-  
psit, & eam carnali commixtione cognoscere, & secum te-  
nere minime dubitauit. Cumque prior mulier super hoc  
querelam mouisset, matrimonium eius denegauit, & se-  
cunda copulam professus est. Vnde cum primum coniu-  
gium aduersus eum per testes probaretur fuisse, quo-  
niā a secunda recedere noluit, ad audientiam nostram  
appellauit. Super quo vtique prudentiæ tuæ responde-  
mus, quod si prima mulier & secunda, se vel prima vel  
secunda linea contingunt, tu virum facias vtraque, om-  
ni contradictione & appellatione cessante, carere, & sine  
spe coniugii perpetuo manere. Si vero eas \* interdicto  
gradu solummodo vel supra sese attingere constiterit, tu  
ipsum compellas a secunda recedere: & de commisso pœ-  
nitentia sibi condigna imposita, eum priorem sicut vxo-  
rem suam recipere, & maritali de cetero affectione tra-  
ctare constringas.

25. Quæst. 3.  
de affinit.

\*forte in tertio  
*Concil. Tom. 27.*